

## Honda SMART Key

Membawa Honda SMART Key membolehkan anda untuk melakukan operasi berikut:

- Mengunci atau membuka kunci suis penghidup
- Melepaskan kunci tempat duduk
- Membuka penutup bahan api
- Mengunci atau membuka kunci stereng

Nombor ID pada Honda SMART Key berada pada tag ID. Anda juga boleh membuka kunci suis penghidup dengan memasukkan nombor ID.

Sentiasa bawa kedua-dua kunci kecemasan dan tag ID, tetapi asingkan daripada Honda SMART Key, untuk mengelakkan kehilangan kesemuanya pada masa yang sama.

Juga simpan salinan nombor ID anda di tempat yang selamat selain di skuter anda.

Honda SMART Key mengandungi litar elektronik. Sekiranya litar rosak, Honda SMART Key tidak membenarkan anda melaksanakan apa-apa operasi.

- Jangan jatuhkan Honda SMART Key atau meletakkan objek berat ke atasnya.
- Lindungi Honda SMART Key dari pancaran cahaya matahari, suhu tinggi dan kelembapan yang tinggi.
- Jangan calarkan atau tebuk.
- Jangan simpan berhampiran apa-apa produk bermagnet seperti rantai kunci bermagnet.
- Sentiasa jauhkan Honda SMART Key daripada peralatan elektrik seperti TV, radio, PC atau peranti urut berfrekuensi rendah.
- Jauhkan Honda SMART Key daripada cecair. Jika basah, keringkan ia dengan segera menggunakan kain lembut.
- Jauhkan Honda SMART Key daripada skuter semasa mencuci skuter.
- Jangan bakar.
- Jangan basuh di dalam pembersih ultrasonik.